



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 75. Cardinalis Arelatensis Præses Basileensis Synodi.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

est hæc epistola die 15. Martii Anno mil-Sæcul. XV.
lesimo quadringentesimo trigesimo o- A.C. 1438.
ctavo.

§. LXXV.

Cardinalis Arelatensis Basileensis Synodi Præses.

Præallegatum responsum instigante Arelatensi Cardinale confectum, ejusque opera elaboratum fuit, qui idem Juliano Cardinale ad partes Eugenii redeunte, ab iis, qui Basileæ perstiterant, Præses creatus fuerat. Vocabatur Ludovicus Alemanus (*) Cardinalis tit. S. Cæciliæ, vulgo dictus Cardinalis Arelatensis, nomine a sua Sede Archiepiscopali mutuato. Patrem nactus erat Joannem Alemanum, seu Alemandum Arbenæ, & Monginsonii Toparcham, ex quo primam lucem aspexit sub annum Domini millesimum trecentimum nonagesimum in castello Arbenensi, quod in agro Bugefiæ, seu Burgiæ prope Sabaudiam situm est. Renuntiabatur primum Canonicus,
&

(*) *Acta Patriciana Alemanum Basileensis cœtus Præsides alium fuisse reputat ab illo Ludovico hujus responsionis Architecto, Prototario Rom. ac Alphonsi Arragonum Regis oratore.*

Sæcul. XV.
A.C. 1438.

& Comes Ecclesiæ S. Joannis de Lugduno, postea Abbas Tinurcii ad Ararim, Episcopus Magalonæ, quæ hodie dum Montepessulana Sedes dicitur, & tandem ad Arelatensem episcopatum Arelatensem evectus est. Papa Martinus V. Anno salutis millesimo quadringentesimo vigesimo secundo Ludovicum Senas Legatum misit, dato negotio, ut Urbis illius Proceres induceret, quo Ticinensis Synodi translationem ad ipsos faciendam gratam haberent. Paulo post decernente eodem Pontifice Bononiensi Legatione functus, Foropoli, ac Forum Cornelii Romanæ urbes optimis legibus instruxit, ac disciplinam civilem feliciter restauravit. Postea Ludovicus III. Neapolis Rex, Provinciæ Comes tanti Viri, qui in universa Europa longe celebratissimus erat, præsentia summam ditionibus suis prosperitatem accessisse ratus, ejusdem merita præmiis compensare statuit; quapropter privilegia a suis Prædecessoribus Arelatensi civitati liberaliter concessa, confirmavit. Nec minor erat Pontificis munificentia, qui Ludovicum Alemanum Anno millesimo quadringentesimo vigesimo sexto Cardinalitia condecoravit purpura, & Ecclesiæ Romanæ Vice - Camerarium creavit. Martino V. fatis functo, ac emergente ob Synodi Basileensis translationem dissidio ab Eugenio discessit, atque

etumque Concilium auctoritate sua con- Sæcul. XV.
tinuari voluit (*). A.C.1438.

§. LXXVI.

Congregatio Ferrariæ habita coram ipso Pontifice.

Exinde cum Papa Eugenius die vigesima septima Januarii Ferrariam delatus esset, die octava Februarii habita est Congregatio, cui ipsemet Pontifex præfuit, assistentibus cunctis Cardinalibus, Episcopis, atque Doctoribus, in qua prolatis contra Basileenses querelis declaravit, se quidem innocentia sua sat tutum esse, nihilominus si vel ipse, vel sui cuiusdam criminis rei invenirentur, submittere se libenti animo Patrum correctioni; ceterum hortari se omnes, ut & ipsi sese prudentiæ laude ac morum probitate ad ceterorum exemplum commendabiles redderent. Die vero decima Februarii in alia Congregatione Generali coram Jordano Ursino Cardinale, quem Eugenius

(*) Addit Spondanus ad hunc annum num. II. præcipuum sane illius Synodi columnen, absque cujus auctoritate post abcessum omnium Cardinalium ac præcipuorum Antistitum, reliqua remanentium colluvies dissipata ac sponte dilapsa evanisset.